



Skipulagsnefnd Skaftárhrepps

Fundur nr.162 Málsnr 1801006 var haldinn í Zoom fjarfundabúnaði **Þriðjudaginn 12.janúar 2021 klukkan 15:00.**

Mætt eru: Jón Hrafn Karlsson (JHK) formaður, Bjarki Guðnason (BG), Rúnar Þorri Guðnason (RÞG), Kristbjörg Hilmarsdóttir (KH) og Bergur Kr Guðnason (BKG). Jafnframt sátu fundinn Sandra Brá Jóhannsdóttir sveitarstjóri, Margrét Ólafsdóttir frá Landmótun ehf. og Ólafur Elvar Júlíusson skipulags- og byggingarfulltrúi sem ritaði fundargerð.

1. 1710004 – Hverfisfljót - Lýsing v br á Ask og Dsk fyrir Hnútuvirgjun

Mats- og skipulagslýsing var auglýst þar sem íbúum og hagsmunaaðilum var gefinn kostur á því að leggja fram sjónarmið og ábendingar við skipulagslýsinguna fyrir 16.desember sl.

Alls bárust 17 umsagnir og athugasemdir við skipulags- og matslýsingu á kynningartíma sem lagðar voru fram á fundinum og fundarmenn hafa kynnt sér.

Skipulagsnefnd vísar í gr. 4.2.4. í skipulagsreglugerð 90/2013 m.s.br. þar sem segir orðrétt:

„Skipulagsnefnd skal hafa hliðsjón af umsögnum og ábendingum sem henni berast við vinnslu tillögu að aðalskipulagi en ekki er skylt að svara þeim með formlegum hætti.“

„Skipulags- og byggingarfulltrúa falið að vinna áfram að tillögu að breytingu á aðalskipulagi Skaftárhrepps samhliða tillögu að deiliskipulagi umsækjanda.“

JHK, BG og RÞG samþykkja þessa bókun.

BKG og KH samþykkja ekki þessa bókun.

Kristbjörg Hilmarsdóttir leggur fram svohljóðandi bókun:

“Ég hvet sveitarstjórn eindregið til að taka mark á innsendum athugasemdum vegna lýsingar á breytingum vegna aðalskipulags og deiliskipulags vegna Hnútuvirgjunar og falla frá fyrirhuguðum breytingum.

Ég bendi á að niðurstaða Skipulagsstofnunar um mat á umhverfisáhrifum framkvæmdarinnar er afgerandi um að Hnútuvirgjun muni hafa verulega neikvæð umhverfisáhrif. Stofnunin telur einnig að ekki hafi verið sýnt fram á brýna nauðsyn fyrir röskun á Skaftárelda- og Núpahraunum, sem njóta sérstakrar verndar skv. 61. gr. náttúruverndarlaga.

Eldvötn – samtök um náttúruvernd í Skaftárhreppi hvetja í athugasemdum sínum við skipulagsbreytingarnar til þess að Hnútuvirgjun verði tekin út af aðalskipulagi Skaftárhrepps. Undir það tek ég, enda sú brýna nauðsyn sem náttúruverndarlög krefjast skuli hraununum raskað ekki til staðar og umhverfisáhrif gegnumgangandi með öllu óásættanleg á landi sem við berum ríka ábyrgð á til framtíðar.

Ég hafna því alfarið að þessum breytingum við Aðalskipulag Skaftárhrepps 2010-2022 og hvet sveitarstjórn eindregið til þess að taka fyrirhugaða virkjanaframkvæmd út úr aðalskipulagi sem iðnaðarsvæði í kafla 2.7 í Aðalskipulagi Skaftárhrepps 2020-2032.”

2. 1908007 – Breyting á Ask í Hrífunesi, V2 stækki úr 38 ha í 80 ha.

Fyrir fundi liggur umsögn Skipulagsstofnunar og heimild til að auglýsa skv. 31.gr skipulagslaga, þegar brugðist hefur verið við athugasemdum og ábendingum sem sjá má í meðfylgjandi bréfi frá Skipulagsstofnun móttæknu 6.janúar 2021

Skipulagsstofnun gerir ekki athugasemdir við að skipulagstillagan verði auglýst skv. 31. gr. skipulagslaga, þegar brugðist hefur verið við fyrrgreindum athugasemdum og ábendingum, og óskar eftir að viðbrögð sveitarfélagsins verði tekin saman og fylgi endanlegum gögnum að lokinni auglýsingu.

„Skipulagsnefnd felur skipulags- og byggingarfulltrúa að kalla eftir þeim upplýsingum sem athugasemdir og ábendingar Skipulagsstofnunar segja til um og í framhaldi af því auglýsa aðalskipulagsbreytinguna skv. 31. gr. skipulagslaga þegar aðalskipulagsbreytingin hefur verið uppfærð til samræmis.“

3. 2101001 - Endurauglýsing skipulagstillagna.

Skipulags- og byggingarfulltrúi óskar eftir heimild til að endurauglýsa skipulagstillögur skv. meðfylgjandi lista.

1604007 – Dsk Hrífunesi L163373

„Skipulagsnefnd felur skipulags- og byggingarfulltrúa að endurauglýsa skipulagstillöguna.“

1606007 – Dsk Hrífunesi L213047

„Skipulagsnefnd felur skipulags- og byggingarfulltrúa að endurauglýsa skipulagstillöguna.“

1805002 – Breyting á Ask í Hrífunesi

„Skipulagsnefnd felur skipulags- og byggingarfulltrúa að endurauglýsa skipulagstillöguna.“

1807004 – Breyting á Dsk í Hrífunesi

„Skipulagsnefnd felur skipulags- og byggingarfulltrúa að endurauglýsa skipulagstillöguna.“

1901002 – Breyting á Dsk á Geirlandi

„Skipulagsnefnd felur skipulags- og byggingarfulltrúa að endurauglýsa skipulagstillöguna.“

1908016 – Deiliskipulag Flaga II

„Skipulagsnefnd felur skipulags- og byggingarfulltrúa að endurauglýsa skipulagstillöguna.“

4. 1904001 - Endurskoðun aðalskipulags Skaftárhrepps 2020-2032

10.fundargerð vinnuhóps lögð fram til kynningar.

5. 2101002 - Vegagerðin - Malarslitolagsnáma í Hrífunesi inn á aðalskipulag

Svanur G Bjarnason hjá Vegagerðinni óskar eftir leyfi fyrir einni malarnámu í landi Hrífuness inn á Ask og að tvær námur verði felldar út.

„Áður en málinu er vísað til endurskoðunar aðalskipulags þarf að liggja fyrir samþykki landeigenda. Varðandi lokun á námum N6 og N9 þarf að tryggja að frágangur námanna sé til fyrirmyndar og falli í landslagið.“

6. Mál til kynningar

Deiliskipulag skólareits – staða vinnunnar kynnt.

7. Önnur mál.

Fleira ekki gert, fundi slitið kl. 17.12